

նեսցին արքունական հարկք եւ դատաստանք. զի ամենեքին պարապեալք աներկիւղ սրտիւ ժողովեալք յեկեղեցի՝ մատուցեն աղօթս ընդունելի առ Աստուած: Եւ եղ օրէնս, ' իկիրակէի ոչ ըմբռնել զոք, եւ կամ խնդրել պարտս, եւ ոչ առնուլ զվրէժս չար գործոց»:– Ընդ աղօթից եւ դարմանոյ տեղեաց՝ ոչ մտռանայր մտացին այն եւ զմտաց բարգաւաճանս, յորդորելով զվարժեարն՝ իվանորայս եւ՝ իդպրատունս, ոչ միայն հայրենի հայկական լեզուի, այլ եւ օտարաց, մանաւանդ փռանկ եւ լատին լեզուաց, ըստ արժանի ընդարձակ թղթակցութեանց եւ կապակցութեանց իւրոց ընդ այլ եւ այլ պետութեանց:

Չիք երկբայել զի բազմապատիկ արկածք աշխարհին՝ զոր նա շինեաց եւ յետին ժամանակն աղարտեաց, ջնջեցին եւ թագուցին զյոլովագոյնս յայսպիսեաց, որպէս եւ յայլոց յոգունց յիշատակաց մտահարուստ թագաւորին. յորոց իբրեւ դոյզն մի նշմար յիշելի է զթարգմանութիւն թղթոյ Վահանայ կամ Յովհաննու եպիսկոպոսի՝ զգրեալն՝ իդիմաց Յունաց առ Զաքարիա կաթողիկոս վասն՝ իՔրիստոս հաւատոց. զսա ետ Լեւոն յեղուլ՝ իհայ,՝ իձեռն գիտնականին եւ խոհականին եւ իւրոյ հօր խոստովանութեան՝ Գրիգորի վարդապետի Սկեռացոյ. յորում իրի դիտելի է՝ ընդ բանասիրականին՝ եւ զկրօնականն. զի՝ որպէս յայտ է՝ ինդիր թղթոյն էր զբնութեանց Քրիստոսի՝ ուղղափառ դաւանութեամբ. եւ ընդ նմին զողջմտութիւն թագաւորին եւ զի նոյն հաստատութիւն, անթերի ունելով եւ զվայելչութիւն ազգայնոց ծիսից եւ հանդիսից: Թերեւս չափազանցութեամբ՝ այլ ոչ հեռի՝ իչափուց եւ՝ իքանից Լեւոնի՝ աւանդէ ժամանակագիրն, ըստ հնագոյն գրչի, եթէ «ետ ժողովել զամենայն գրեանս յամենայն տիեզերաց, անթիւ բազմութեամբ, եւ ետ թարգմանել զամենեսեան միանգամայն: Քանզի լցաւ ընդ ժամանակս նորա աշխարհն Կիլիկեցոց իմաստութեամբ, եւ բազմացան հետեւողք Թարգմանութեան. կէսք Գրագրութեան, այլք Ծաղկողք, ազգի ազգի գունով զարդարողք. եւ բազումք Կազմողք եւ կապողք. անուանի վարդապետք. որոց վկայեն իւրեանց ձեռագիր գրեանքն, որ կան մինչեւ ցայժմ, եւ կոչին Սսու, եւ են պատուական»: Որպէս յոլովից, տի նա եւ ամենայն բարեաց եւ բարգաւաճանաց յաջորդաց թագաւորութեանն՝ պատճառք եւ սկզբնառիթ եղել Լեւոն, զնոյն եւ յայսմ մասին ուսմանց եւ դպրութեան՝ արժան է համարել արմատ ապագայիցն աճեցմանց,՝ իպայազատս իւր եւ յամենայն Սիսուան. եւ զի ստուեր իսաւարին ժամանակաց սքօղեաց գրեաթէ զայլ ամենայն բարիս, եւ մնան